

瘍

醫

大

全

瘍醫大全目錄

卷二十六

脚氣部

男婦緩風脚氣門主論

附方

新增江蘇揚州府江甘儀三邑婦女脚氣門主

論

瘍醫大全卷二十六

無湖顧世澄練江氏纂輯

壻錢之栢東陽

全校

男 櫟燮用和

脚氣部

自男婦緩風脚氣起至揚州江甘儀婦女脚氣治各
不同法則俱彙於此部中以便檢閱參治

男婦緩風脚氣門主論

太陰陽明論曰陽受風氣陰受濕氣。○傷於風者上先受之傷於濕者下先受之。○清濕襲虛則病起於下風雨襲虛則病起於上

邪氣臟腑病形篇曰身半已上者邪中之也身半已下者濕中之也

陰陽應象大論曰地之濕氣感則害人皮肉筋脉通評虛實論曰蹠跛寒風濕之病也

臟氣法時論曰脾苦濕急食苦以燥之禁濕地濡衣

調經論曰寒濕之中人也皮膚不收肌肉堅緊營血
泣衛氣去故曰虛虛者聶辟氣不足按之則氣足
以溫之故快然而不痛

五常政大論曰太陰司天濕氣下臨

六元正紀大論曰太陽司天之政民病寒濕發肌肉
萎足萎不收○太陰司天之政民病寒濕腹滿身
臃憤胕腫○太陰所致爲重胕腫

生氣通天論曰因於氣爲腫四維相代陽氣乃竭

經脈篇曰胃病則大腹水腫膝臃腫痛○足陽明實

則狂顛虛則足不收脛枯

平人氣象論曰足脛腫曰水

張景岳曰脚氣之說古所無也自晉蘇敬始有此名然其腫痛麻頑卽經之所謂痺也其縱緩不收卽經之所謂痿也其甚而上衝卽經之所謂厥逆也逮夫後世則有類傷寒四證而以脚氣居其一謂凡頭痛發熱身痛便閉而但見脚膝屈弱無力者便是脚氣此說太混予不然之夫脚氣本水濕下壅之病而實非陽邪外感證也若諸證之兼見者

則若有之若以外感之脚軟者便認作脚氣則滑亂意見大不通也

又曰脚氣之證其初甚微飲食動作無不如故或無他疾而急得之或因病後而漸得之及其病也則自膝至足或見麻痺或見冷痛或見痿弱或見攣急或腫或不腫或日漸枯細或蒸蒸惡熱或洒洒惡寒或如氷冷或如火熱或到底能食或不能食或有物如指發自臍臍而氣上衝心是皆脚氣之正病也其有爲發熱頭痛寒熱往來或腹內作痛

或見飲食則嘔吐或惡聞食氣或不欲見明或語言錯亂精神昏憤是皆脚氣之兼證也大抵此證有緩急緩者其來漸或二三月而日甚其來速或一二日而卽起治之若緩恐其氣上衝心亦能殺人

又曰脚氣之因有二一則自外而感一則自內而致也自外而感者以陰寒水濕雨霧之氣或坐卧濕地致令濕邪襲人皮肉筋脉而凡清濕襲虛則病始於下致爲腿足之病此外因也自內而致者以

肥甘過度酒醴無節或多食乳酪濕熱等物致令
熱壅下焦走注足脛而日漸腫痛或上連手節者
此內因也然在古人謂南方卑濕病多外因北方
嗜酒酪病多內因此固一說然北方亦有寒濕南
方豈少酒濕此固不必分南北其或內或外凡受
邪氣有病始於足而漸致他證者卽脚氣之謂也
必察其因而治之則自無失矣

又曰方書以腫爲濕脚氣不腫者爲乾脚氣濕者宜
除濕乾者宜行氣

陳無擇曰脚氣不專主一氣亦不專在一經兼有雜生諸病未易分別須尋經絡之陰陽再察脉息之虛實以爲治也凡自汗走注者爲風勝無汗攣急掣痛者爲寒勝腫滿重著爲濕勝煩渴燥熱爲暑勝若四氣兼中者但察其多者爲勝分其表裏以施治也

張景岳曰脚氣之病實三氣之所爲也然亦有虛實之異又脚氣本爲壅疾古云忌用補劑然必下元不足及陽明之氣有虧者而後邪氣得以犯之此

其中亦有虛證總之凡治此者只因證施治則萬全但察其因於表者以發散爲主因於裏者以疎利爲主外因者多寒濕宜用溫熱內因者多濕熱宜用清涼若元氣本虛及病久致虛者必當培補下元不得以忌補之說爲拘也

又曰脚氣初起無非濕滯如無他證兼見而身體重著者單宜治濕以分利爲主○凡脚膝中濕或腰腿痠痛重著腫痛者宜除濕湯不問久近乾濕並可用○若脚膝痠軟重著而胃氣不清或見噫氣

吞酸脹滿者平胃散○若脚氣浮腫而兼泄瀉者
宜五苓散或胃苓湯

又曰寒濕外侵致成脚氣者十居六七其證疼痛拘
攣惡寒清厥脉多弦細治宜以溫經除濕爲主是
以古人治此之法大抵熱藥多寒藥少故每用麻
黃川烏桂附乾姜之屬肉經曰濕淫於內治以苦
熱正以烏附麻黃走而不守故能通行經絡乾姜
官桂辛甘大熱故能助陽退陰清濕既除病無不
愈○凡感寒濕雨水或四氣流注致成脚氣腫痛

不可忍者宜鷄鳴散如神○若寒濕內侵陽虛陰
盛胃氣不强經氣不行頑木浮腫或疼痛不用者
獨活湯○若寒邪入腹喘急疼痛或筋急上衝悶
亂危急欲絕者茱萸丸或茱萸木瓜湯○若寒濕
在經血脉不和腰脚筋骨痠軟無力或拘攣疼痛
脉弱而瀉者酒浸牛膝丸○若寒濕壅腫氣滯不
行或冷或痛者立效散○若寒濕兼風者如五積
散小續命湯皆宜用

又曰濕熱內蒸致成脚氣者多因酒食不節其證必

煩熱多渴脉見滑數二便或多不利治宜利濕清
火爲主○若濕熱下壅足脛腫痛不消者防已飲
加減治之或蒼朮黃柏丸或二妙散或加味二妙
丸俱妙○若濕熱氣壅上衝胸腹煩渴悶亂頭痛
口乾者活人犀角散○若濕熱流注經絡肢節煩
疼脊背沉重手足偏身疼痛熱腫者當歸拈痛湯
○若感冒暑濕肢節疼痛身熱口渴小便赤澀氣
虛氣促者清暑益氣湯○若肝腎陰虛血熱脚瘡
疼痛行止艱難小水不利者續斷丸

又曰脚氣有壅滯氣逆者其證必喘滿氣急上攻心腹甚至危急可畏治宜行滯降氣爲主○凡脚氣上衝心腹喘急不得眠卧者紫蘇散枳榔湯或加減枳榔湯甚者四磨飲○若脚氣喘急腹滿脚腫者桑白皮散或木通散○若脚氣臍下氣升衝心煩悶者木香散或枳榔散○若脚氣心胸壅悶嘔逆多痰不食者半夏散或紫蘇湯○若浮腫心腹痞悶小水不利大腹皮散

又曰風濕合邪而爲脚氣者其證必兼外感而或爲

寒熱往來或爲喘欬氣急或流走無常或筋骨疼痛治宜以散風除濕通行經絡爲主。○若感四時風疫風濕或處陰濕之地致爲脚氣痿弱筋骨疼痛或寒熱往來者敗毒散。○若寒熱如瘧赤腫疼痛者加味敗毒散。○若脚氣以風寒濕邪客於經絡而骨髓酸痛不可忍或遍身疼痛惡寒嘔逆者五積散一法加全蝎三個入酒煎服。○若脚氣以風濕留滯而陰寒外閉表邪不解或欬嗽喘滿寒熱者小青龍湯。○若風濕留滯肢節煩疼心神壅

悶者大腹子散。千金云若脚氣脉大而緩宜服小續命湯二劑立瘥。活人云脚氣屬冷者以小續命湯煎成入生薑自然汁服之最快。○若脚氣風濕勝而兼發熱欬嗽肢體疼痛者芎芷香蘇散。○若脚氣風濕流注憎寒發熱無汗惡寒者麻黃左經湯。

又曰脚氣有虛證凡脾胃肝腎之脉皆出於足邪之易入多有乘虛故肝虛則筋病腎虛則骨病脾虛則肌肉病胃虛則宗筋病或以勞慾不節或以酒

濕太過或以病後失調凡內有虧損而外有腳氣者無非虛證此當以調補爲主而兼察四氣以治之○若肝腎陰虛感觸四氣而癱瘓頑木半身不隨脚膝無力遍體疼痛者神應養真丹或三因四斤丸或虎骨酒或八味地黃湯○若脾胃大虛陰寒在下陽氣不行而病脚氣者獨活湯附子八味湯○若精血不足陰虛於下氣不歸精而脚氣上逆衝心者地黃湯○若脾胃虛寒兼風濕外邪而成脚氣者用引獨活湯或追毒湯○若脚氣以脾

腎虛寒而兼欬嗽氣逆嘔吐者兼補厚朴湯

又曰脚氣有實邪凡壅盛腫痛而或爲閉結或爲脹滿者治宜以踈導通利爲主○若風濕壅盛脚氣腫痛便結腹滿者羌活導滯湯或枳實大黃湯○若四氣流注陽明風熱腰脚腫痛大小便秘喘滿腹痛者大黃左經湯○若脚氣飲食不消心下痞悶腿脚腫痛者開結導飲丸

又曰凡脚氣腫痛之甚者可用敷藥以散之或用椒艾囊以溫之或用香散之藥煎湯以洗之如百草

煎及防風荊芥威靈仙艾葉蒼朮蛇床子當歸烏藥之類皆可用或單用紫蘇或忍冬藤煎湯淋洗似妙

觀活人等書云凡脚氣服補藥及用湯淋洗者皆醫之所禁也此亦一偏之說耳蓋補有宜禁者以邪壅氣實者也淋洗有宜禁者以水濕湯氣之宜避者也如果下部虛寒或以病後或以尅伐太過而脚氣不愈者豈尚堪禁補乎又若寒邪濕熱壅結不散而爲腫爲痛者最宜以辛香踈散之藥煎湯

蒸洗則退邪極速豈禁洗乎惟是濕熱逆而上衝
心腹者不可驟洗恐助濕氣上升也此必先降其
氣俟其毒止在脚再行薰洗自無不利蓋補以補
其弱也洗以逐其滯也夫何禁之有

又曰有當禁於未發之先者如外臺秘要云第一忌
噴嚏則心煩煩則脚氣發又禁大語大語則傷氣
氣傷病亦發又不得露足當風入水以冷水洗足
兩足脛尤不宜冷雖暑月當着帛袴至冬寒加綿
常令兩脛及腿溫暖微汗尤佳依此將息脚氣自

消而無邪氣留連之患夏月腠理開不宜當風取
涼涼處坐臥須得勞動關節令其氣暢此拒邪之
法養生之要也每食後宜行三五百步疲倦便止
則脚中惡氣隨卽下散雖有浮腫氣亦不上也

孫真人曰古人少有此疾自永嘉南渡衣冠之人多
有之此皆濕鬱於內所致也故凡四時之中皆不
得久坐久立濕冷之地亦不得因酒醉汗出脫衣
洗足當風取涼皆成脚氣暑月久坐久立濕地則
濕熱之氣蒸人經絡病發必熱而四肢酸痛煩悶

肘腫寒熱此又山野農夫多有之以久濕傷於外也

楊大受曰脚氣是壅疾當用宣通之劑使氣不能成壅也如羌活導滯湯之類所宜通用又如蒼白木防已南星以去濕羌獨活木瓜栝榔行氣利關節以去壅佐木通牛膝以引經當歸生地以和血此必用之藥也又如東垣拈痛湯之類亦甚捷餘因證之虛實寒熱而辨治之此卽通變活法也

又曰凡脚氣初覺卽灸患處二三十壯或用雷火鍼

以導引濕氣外出及飲醪醴以通經散邪其要法也○若壅既成而邪盛者必腫痛熱甚一時藥餌難散宜砭去惡血以消熱腫砭刺之後以藥繼之古無腳氣內經名厥兩漢名緩風宋齊謂腳氣

內經曰傷於濕者下先受之

發於外者屬足少陰太陽發於內者屬足太陰

陽明

千金論曰此病初得卽先從脚起因卽脛腫時人號爲脚氣經曰緩風濕痺深師云脚弱者卽此義也得此病者多不令人卽覺或會他病一度乃始發

動或奄然大悶經兩三日不起方乃覺之久而不
瘥遍及四肢腰背頭項也始起甚微食飲嬉戲氣
力如故故惟卒起脚屈弱不能動有此爲異耳或
熱悶驚悸心煩嘔吐或覺臍下冷痞怫怫然不快
兼小便淋漓不似生平皆其候也

馮魯瞻曰經曰諸濕腫滿皆屬脾土又曰傷於濕者
下先受之蓋脾主四肢足居於下而多受濕濕鬱
成熱濕熱相搏其痛作矣古名爲壅疾當用宣通
之劑如羌活導滯湯當歸拈痛湯之類使氣不壅

而痛自愈矣古無腳氣之說內經名厥兩漢間名
緩風宋齊之後謂之腳氣凡腫者名濕腳氣者筋
脉弛長而軟或浮腫是也治宜利濕踈風如不腫
者名乾腳氣者乾卽熱也筋脉蹇縮攣痛枯細而
不腫者是也治宜潤血清燥有從外感者有從內
傷者其爲濕熱則一而已北方高燥多飲醴酪肉
食醇酒濕熱下流所致南方卑下多濕血氣虛弱
之人或遇房勞負重遠行衝冒雨雪寒濕乘虛所
致大抵風寒暑濕之氣中於諸陽則病在外其症

多在足外踝及足背宜散之而愈中於諸陰則病
在裡其症多在足內踝及膝內宜溫利之外症自
汗走注爲風勝無汗疼痛攣急爲寒勝腫滿重着
爲濕勝煩渴熱頑爲暑勝如四氣兼有但推其多
者爲勝麻者爲風痛者爲熱腫者爲濕寒勝則蟲
皮膚中如蟲行之狀熱勝則縱蓋足六經皆能致病惟手六
經不與焉寒則溫之熱則寒之在表則散在裏則
下若大虛氣乏間作補湯隨病冷熱而用之不可
拘執其人黑瘦者易治脾大赤白者難愈黑人耐

風濕赤白人不耐風濕瘦人肉硬肥人肉軟耳其
用藥當分虛實寒熱表裡如黃栢蒼朮乃濕熱必
用之藥也防已獨活治腰以下至足濕熱腫盛也
木瓜取入肝走筋也赤苓木通滲利其濕也肉桂
烏附散寒濕也木香檳榔香附烏藥宣行氣道之
劑也紅花桃仁活血行凝之劑也牛膝杜仲草薢
虎骨壯筋骨之劑也參芪白朮歸芍地黃補養氣
血之劑也合宜而用則或攻或補皆可奏功 錦囊
又曰脚氣初起甚微多不令人識也食飲嬉戲氣力

如故惟卒起脚屈弱不能動爲異耳南北所感雖有內外之殊然皆由腎虛婦人病此者亦由血海虛而得之與男子腎虛同也若入腹衝心嘔吐不止危在頃刻宜入味九溫以逐之入腎則腰脚腫小便不通目額皆有黑氣冲胸喘而呻吟左尺脉絕者死蓋腎虛陽衰之人多犯此腎乘心水尅火也故腎氣脚氣當以金匱腎氣丸預爲服之也

又曰南方自外而入者止下脛腫痛北方自內而致者乃或至於手節也治法初用解散次必推蕩大

便以導其邪氣

經曰臥出而風吹之凝於膚者爲痺凝於脉者爲泣
凝於足者爲厥

至真要大論云太陰之勝火氣內鬱流散於外足脛
附腫飲發於中附腫於下凡內傷酒食脾胃營運
之氣有虧不能上升乃下流乘其肝腎之位注於
足脛加之房事不節邪氣乘虛乃爲脚氣久而不
愈遂成痼疾堅硬如石謂之石疽肉色紫赤皮肉
潰爛名爲緩疽惟宜溫補

又曰脚氣或見食嘔吐憎聞食氣腹痛作瀉或二便
阻塞或精神昏憤或妄語錯亂或壯熱頭痛有類
傷寒名脚氣攻心多死

又曰其脉浮弦者風濡弱者濕洪數者熱遲者寒微
者虛牢堅者實結則因氣散則因憂緊則因怒細
則因悲

又曰婦人脚十指如熱油煎者皆由榮衛氣虛濕毒
之氣流滯經絡上攻心則心痛下攻脚則脚痛其
脚指如焚如脚氣之類經云熱厥是也

醫論曰脚氣之疾皆由脾腎二經虛弱坐卧行動之間而爲風寒暑濕之氣所干流注而成此疾得病之始多不令人便覺必感他病乃始發動或奄然太悶經兩三日方覺之先從脚起或緩弱疼痛痺行起忽倒或脛腫滿或足膝枯細或心中忪悸或小腹不仁大小便秘澀或舉體轉筋骨節酸疼或惡聞食氣見食吐逆或胸滿氣急壯熱憎寒傳足六經外症與傷寒相似但卒然脚痛爲異耳其爲候不一若寒中三陽所患必冷暑中三陰所患必熱

脉浮而弦者起於風濡而弱者起於濕洪而數者起於熱遲而濇者起於寒風者汗之濕者燥之熱者清之寒者溫之又當隨四時表裏虛實治之切不可用溫補及湯淋洗此醫家之大戒也蓋補則氣實多致不救淋洗則邪毒入內亦難治矣治之不早使毒氣入腹衝心攻築作痛喘滿上氣嘔吐異常此則漸致傾危其可忽耶

林氏曰或問足跗腫痛明係濕熱如何謂之腳氣旣以氣稱亦不失爲濕熱如何又有外感內因之別

乾濕寒熱之異甚至衝心嘔逆譫語神昏以致於死也答曰此一氣字自與平常濕熱不同蓋非一朝一夕所致此症雖由濕氣微邪然而沉伏於足三陰經既久不能發洩鬱蒸爲熱瘀而紅腫腫而後痛且足三陰之脉從足之內踝而上至於大小腹更由腹而上溢乎包絡咽嗑之間故腫痛必然牽引經絡而鬱蒸之氣又自下而上逆於心胸遂至寒熱似瘧惡心嘔逆所以有類傷寒之別名况病發之初未有不由外感內因或暴怒房勞所觸

發於是內外兼症夾襍倉卒難辨初學臨症茫然
昧於用藥倘使表裏虛實之不別補瀉寒熱之罔
投未有不至於衝心危殆者也

活人編

又曰或問雖曰脚氣亦不過濕熱久鬱而成有何利
害以至於死若果可以致人於死則其症更凶於
傷寒何以又謂之類傷寒耶況曰類者亦正與傷
寒相近故亦有七日而愈七日而死十四日而愈
十四日而死據此豈不可謂之脚氣傷寒乎答曰
脚氣與傷寒原屬二症難以混淆只有寒熱嘔逆

及三陰三陽傳變深淺與傷寒相似故曰類也若論致死之因凡風寒暑濕之邪無有不由於經絡而傳於六腑以至五臟自輕至重自重至危何獨脚氣爲然而必與傷寒並論哉

又曰脉與形證此症濕熱爲本客邪觸發爲標發時還從足跗紅腫微痛而起腫甚則痛愈甚而鬱蒸之氣由經絡入於足三陽之腑故有寒熱交作畏寒煩躁惡心嘔逆煩渴引飲喘急譫語惡食而復能食二便秘結不通其脉浮洪弦數有力者謂之

乾脚氣乃三陽經受病也若二便通利汗多不渴
惡心嘔逆湯飲不受肢厥戴陽神昏譫語六脉沉
伏細軟無力者謂之濕脚氣乃三陰經受病也

又曰脚氣治法乾脚氣初則疎散中則和解末則潤
下濕脚氣初亦疎散中亦和解末則宜乎清補

男婦脚氣門主方

脚氣流火

黃芪

生地黃

杜仲

五加皮

木瓜

當歸

牛膝

漢防已

秦艽

酒煎服取汗

脚氣痛不可忍者

木瓜

去子忌見鉄

白茯苓

蒸

當歸

酒蒸各二兩

川草薢

鹽水拌炒

牛膝

酒蒸各二兩

薏苡仁

炒四兩

瘍醫大全

卷二十六

脚氣方

九

顧氏秘書

爲末米飲爲丸如梧桐子大每早白湯送下三錢永不復發

又方

真葳靈仙

洗淨陰乾搗四兩

牛膝

酒浸

視臍臍虛實而增減

研末蜜丸或酒調服忌茶以槐角湯代茶

葳靈仙有五驗一味極苦二色深翠三折之脆而不紐四折之有微塵如胡連狀五斷處有白

暈謂之

鸚鵡眼

一切脚氣神奇

濟世方

穿山甲前三足燒存性研細入麝少許多少隨人

斟酌要服此藥須去他事晚間忌進飲食至夜深
腹空時調服坐卧隨意及鷄鳴再一服痛立止過
一二日便能步履如常

松葉酒 千金方

治脚氣十二風痺不能行

松葉六十觔剉細以水四擔煮取四斗九升以釀
米五斗如常造酒法另煮松葉汁以漬米並饋飯
共釀封七日後澄飲之取醉得此酒力者甚衆

治脚氣屢試神效絕勝諸方

白僵蠶

炒二兩

乳

香

另研

沒

藥

另研各五錢

丁

香

一錢

麻

黃

三兩去根留節炒黃

各研爲末和勻每服一兩好酒調下取醉汗出至脚爲度俟汗乾卽愈後用桃柳梅槐桑五樣嫩枝煎湯先飲好酒三杯洗脚止痛爲妙

風脚氣痛不可忍

用回陽玉龍膏加乳香沒藥末酒調敷最妙

洗方

白蘿蔔煎湯洗

又方

收秋天白蘿蔔英陰乾凡有脚氣之人每年逢冬至數九日煎洗九個九每交九卽煎洗共洗九次保一年不發下年又如法洗之自不再發矣

又方

孔叟叟

稀蒼草

蒼耳草

各等分

煎湯薰洗

又方

孔叟叟

品條花葉

卽槿槿條

湯醫大全

卷二十六

脚氣方

主

顧氏秘書

搗爛煎湯洗

又方

地骨皮

劉寄奴

煎湯薰洗

又方

錦囊

香紫蘇

八兩

忍冬花

四兩

木饅頭

七個

蘇

木二兩

爲粗末以水煎數沸桶盛分三度添用只一次

洗完永除病根

手脚氣腐爛

冰片

海螵蛸

黃柏

輕粉

兒茶

各等分

研細乾摻

三陽脚氣主方

活人編

防風

三錢

乾葛

羌活

各一錢五分

蒼朮

枳殼

各一錢

木通

檳榔

各五分

生姜二片水煎早晚空心服

易醫大全

卷二十六

脚氣方

圭

顧氏秘書

三陰脚氣主方

右方踈泄表裏之風寒暑濕兼利痰氣之要藥初起宜加蘇葉一錢麻黃五分去檳榔木通使濕熱之邪從汗解散也服踈解和中丸中則加半夏一錢五分橘紅大腹皮各一錢去防風檳榔末若二便不通則加大黃三錢黃連一錢去防風羌活蒼朮眠潤下丸如煩渴發躁或無汗或有汗而惡熱昏倦脉雖浮洪弦數而無力者此暑邪所感也加香茹一錢五分乾葛黃連木瓜各一錢防已五分去防風羌活蒼朮檳榔服正氣丸濕痰甚者加陳皮半夏各一錢五分澤瀉一錢服橘半枳朮丸

薏苡仁 三錢

茯苓皮

防

風

各一錢五分

羌活

澤

瀉

各一錢

防

已

大腹皮

各五分

生姜一片水煎早晚空心服

邪在三陰誤用重濁之藥則傷元氣右方輕清利導化濕清熱之平劑也初起加乾葛二錢去腹皮中則加木瓜一錢五分去羌活末則加車前木瓜各一錢去羌活腹皮血虛內熱者加木瓜一錢五分牛膝一錢丹皮五分去薏仁羌活腹皮氣虛者加人參白朮各一錢五分去羌活腹皮服千里水道陰不足命門之火不歸者常服金匱腎氣丸陽虛者加人參二錢白朮一錢五分附子肉桂各五分去茯苓皮腹皮羌活防風防已服和中益氣丸

寒濕氣腿疼不可忍者 王侍栢

先於街上覓穿壞草鞋不拘隻數放尿桶內浸透晒乾又浸又晒如此三次將晒乾草鞋置小盆內

將火引着放淨圓桶內將腿足置桶上薰之再以
棉被蓋住腿足俟薰出粘汗自覺輕爽一二次愈
又方

象糞晒乾燒烟薰之除根

輕腳氣

治腳氣

當歸

川草薺

鹽水
煮乾

川芎

石楠葉

枳殼

薏苡仁

蒼朮

米泔浸
鹽炒

川續斷

獨活

五加皮

杜仲

姜汁炒

北細辛

枳殼

宣木瓜

羌活

川牛膝

各一兩

麻黃

去節

葳靈仙

廣木香

五靈脂

海桐皮

各七錢五分

乳香

去油

沒藥

去油各五錢

右爲末酒浸雪糕爲丸桐子大每服五十丸食

前木瓜湯下

桑寄生丸

治脚氣

羌活

桑寄生

防風

白朮

各三兩

杜仲

川續斷

赤芍藥

薏苡仁

當歸

獨活

白茯苓

各二兩

蒼朮

四兩

紅花

五錢

川芎

八錢

宣木瓜

三兩六錢

右爲細末水盪爲丸每服三錢白湯送下

洗方

葳靈仙

防風

地骨皮

荆芥

當歸尾

升麻

赤芍藥

各等分

煎湯洗

又方

金銀花

防風

豬蹄殼

荆芥

車前草

桃枝

透骨草

柳枝

煎湯洗

又方

杉木

橘葉

煎湯洗

脚氣衝心

礬石煎湯浸脚

新增江蘇揚州府江甘儀三邑婦女脚氣門上
論

江南揚州府江都甘泉儀徵三縣婦女脚氣始自康熙五十年間從前並無此證此乃得於陰陽錯謬之沴氣非上古男婦濕熱壅腫五痺之脚氣也其感受也皆由於富貴之家性情驕傲稍不如意恚怒易生安享太過飲食無節傷饑失飽喜發生冷亦有女子婚姻愆期經事驟閉或配非其偶抑鬱不舒肝氣凝結脾氣鬱滯是以肝脾兩傷肝血日

虧肝氣日增肝無血養筋脉拘攣脾氣日困胃陽不振脾失健運濕熱漸生肚口不寬加之飲食非時七情自戕初見症也月事不調肚口作痛嘔吐酸水綠水痰涎身體大腿作酸小腿漸痛臍下或左或右必有或長或圓氣塊作埂拍拍跳動由上而下覺肚口稍寬則疼痛至足脛趺口熱如火烙再則痛至足指指甲縫中痛如針刺日夜喊叫欲生不可欲死不能忽而足痛稍定則肚口依然脹悶甚則面色呈青目睛側視胸前非重手按捺男

子脚跟踣住則昏厥不省人事兩足非婦女替換
揉搓不能少定痛楚更有四肢搖擗頭項動搖昏
厥僵仆有一二時而甦或半日而甦者無論體之
強弱但能清餓七日其痛漸定亦有十四朝二十
一朝始能漸定者此又在醫之用藥善與不善及
病家妄與粥湯吊住邪氣之所致也考脚氣之論
古時有乾脚氣濕脚氣之稱乾脚氣其痛也足脛
跌指乾瘦疼痛無汗濕脚氣其痛也足脛跌指紅
腫疼痛有汗足指縫中流水今揚地俗呼亦有公

母之稱公脚氣其痛也腫而色白治之縱愈不能
望其生育因其血氣大虧經必過期而至慳滯無
多母脚氣其痛也腫而色紅其熱如烙經多先期
而至治之如法尚可望其生育大勢皆由肝脾素
虧邪由虛召施治之法因風寒而發者但散風寒
因暑濕而發者但清暑濕因飲食生冷而發者但
溫中化滯因氣惱恚怒而發者但平肝散鬱如法
治之先分其勢其發必輕但病者當平時無病須
作有病想服丸藥每早以養血調經寧神散鬱爲

主如調經養血丸河車大造丸益母八珍丸香附
女金丹益氣養榮丸之類蓋陰藥多滯每早服之
取其陽中之陽易於消化每晚以健脾和胃爲主
如加味六君子丸加味異功散水疊資生丸和胃
健脾丸之類擇而用之俱宜水法疊作小丸蓋水
疊細丸入胃卽化夜乃陰中之陰卽胃脘新進飲
食亦可藉以消化三年之內勿令間斷其患自可
永除仍須病人改換性情節戒口味慎之又慎此
治脚氣之大法也惜乎揚城婦女脚氣相延四五

十年病家極受痛楚呼天搶地醫家惟知檢查歷
朝各家五痺脚氣諸方施治無非防已木瓜秦艽
草薺威靈仙桂枝桑枝蒼朮厚朴烏藥檳榔黃柏
千年健鑽地風蓰蒼草五加皮海桐皮降香節肉
桂附子乳香沒藥虎骨青皮等味一派損脾伐肝
破氣傷陰之品捨此之外伎已窮矣其所以然者
醫家認定濕熱先橫一脚氣上衝厥逆無救之害
於胸中惟以趕其下趨爲第一策罔顧病人之正
氣殊不知其病始於肝脾兩虛厥氣上犯胸膈脹

悶擊用攻伐峻利之藥逐其下行豈知正氣與邪氣俱陷譬夫盜賊入門自應開門逐賊今將盜賊趕入呆巷無門可遁其勢不得不鑽牆挖壁奪徑而逃其如婦女十指甲中無縫可逃是以兩足十指脹痛有如針挖更有過投以上諸藥正氣大傷倉廩空虛正不敵邪邪氣得以肆橫下既無門可遁直衝而上鮮有不一衝而喪其生者至於體實者七日漸安體虛者十四日始寧更有極虛者二十一日始安其故何也斯症卽如傷寒六日傳遍

邪氣已衰七日天地之氣來復凝結之氣隨天地之氣來復而解自愈原非醫者追趕藥力能令七日自愈耳此又無怪乎醫者之悞當初此症初行之時醫家原無頭緒亦不知此爲陰陽錯謬之診亦不知婦女感受之由考諸方書五痺脚氣門中無不過以上諸藥投之不效只嫌病大藥輕惟有多加分兩別無他法執而不移任其痛楚七日自愈在病家延請羣醫而用藥立方大槩不過如此亦遂信而不疑竟無救亦不過委之脚氣上衝本

無可救之術揚城婦女四五十年罹此夭折死而
悟良可悲也是以有斯症服斯藥者初起尚輕再
發卽重三發愈危竟有數發而死者多矣豈知秦
漢以來歷朝所著方書有曰緩風有曰弱脚有曰
脚氣所立之方皆治普天下男婦風寒濕熱五痺
脚氣之方並非治揚郡江甘儀三邑婦女感受陰
陽錯謬之沴氣而成脚痛之方也況古時男女朴
實者多地土本厚今揚郡水土本薄知識易開稟
受本弱兼之嬌養性成安逸太過情性乖張喜殯

生冷非暴躁悲怒卽沉默內鬱肝氣鬱經事不
調犯此弊端方成此病况古人雖有先見之明洞
窺臟腑恐未能數千年前卽逆料我朝揚郡江
甘儀三邑婦女將來數千年後必有感此錯謬異
氣而成此腳氣遂留諸方法治之耶卽使果有先
見之神明何不標明某方治男婦五痺脚氣某方
留治揚郡江甘儀三邑婦女脚氣耶且江甘儀三
邑婦女脚氣現症情形不特蘇松常鎮江淮各郡
並無此症卽揚屬高郵寶應興化泰州鄰邑婦女

亦未聞有此異症也至謂揚郡地處卑濕其濕熱
鬱於肌表者瘡疥極多濕熱壅於腸胃者腫滿頗
衆兼亦有男婦濕熱下注腿膝紅腫光亮破流脂
水至晚下淋脛跌脹痛者然其初起決不由肚口
作痛其紅腫脹痛亦不似此等熱如火烙痛如刀
絞之慘若執古方施治何異抱薪救焚施治之法
亦有用防已木瓜秦艽五加皮海桐皮海風藤川
革薺蒼朮黃柏厚朴等味而愈者此男婦脾土高
阜膏粱麪藥蘊積有餘之濕熱用之偶有效耳若

以之治男婦脾土卑監飲食不運化爲不足之濕
熱用之則非徒無益而反有增劇之害也澄每嘆
揚郡男婦飲食不調喜殄生冷脾胃潮濕精神如
舊而胸膈不寬舌有潮胎不思飲食不飲茶湯竟
有三四十日不進粥湯大便不行腹內腸鳴時或
泄氣仍可應酬嬉戲者投以蒼朴香砂姜桂萸附
等劑其病漸愈湯藥服之已多但能進食卽止煎
劑數月之後其病又作形證旣同醫家照前蒼朴
混投而病家因前功旣建視蒼朴如參苓亦堅信

而不疑殊不知脾爲萬物之母胃爲水穀之海初
病脾土壅遏非蒼朴不足以平胃土胃土既平則
萬物發生此至理也醫者病者未悉治農之理高
者平之窪者培之土地既平之後必如農夫懇田
調其灌溉滋之培之然後能發生五穀萬物資生
今醫者病者第以平胃爲治濕之金丹日事蒼朴
平胃是將可耕之田平而又平漸平成一聚水之
深塘但有水液痰涎未有不歸之脾胃虛虛之禍
可無戒哉

卷

意治斯症者高阜自應平胃卑監惟

宜健脾輕者消補兼施重者補火生土非姜附理
中湯卽桂附六君子病愈之後六君子丸加味異
功丸金匱腎氣丸七味地黃丸歸芍六君子丸水
澄資生丸按症施用自可永除脾胃濕熱之患矣
因僑居揚郡診視旣久婦女脚氣及男婦濕熱
之症極多每見婦女脚氣悲痛號呼披頭散髮抽
掣咬牙殊令人驚心慘目是以悉心審察病情探
本尋源另開生面投之藥劑無不旋愈始知前醫
未識病由妄投攻下以致病家戕其生者不可勝

數今澄既已獲效於前不敢秘其法而不傳爰特
增此門質諸高明君子凡我同道診視此等
症候務循此法不至仍前錯悞則不但病者受福
卽司醫者亦可種德於無窮矣謹論

脚氣之患多患於富貴之家而經紀小戶從無脚氣
可見富貴之家奉養太過安逸過甚以日繼夜以
夜繼日貪頑則當食不餐受者則啖之無厭稍有
拂鬱則恚怒頻生語言微犯則含蓄不釋是以肝
脾受傷易於感召也至於經紀小戶婦女非勤於

針工卽勞於操作但得菜飯充腸一衫蔽體旣無
分外之求更無奢靡之想筋骨雖勞氣血反暢藜
藿充饑脾無壅滯縱有濕熱相干輕則生瘡患疥
甚則腿脚紅腫而已脚氣之邪未能干犯也且婦
女脚氣一染先從胸膈脹悶肚口作痛嘔吐痰涎
綠水胸前有埂按之搏手漸則腰腿酸痛由上而
下痛至足脛趺指則胸膈漸寬倏然腿脚疼痛稍
減胸膈漸加脹悶或然上攻或然下注其患儼如
竹夫人肚中毬子滾上滾下胸膈稍寬脚下必痛

脚下稍定胸膈必脹甚則混投粥飲油湯邪氣上衝一衝卽厥屢厥必死所以腳氣上攻胸前要人重手緊按竟有要男子雙腳踣踏胸前乳側方免昏厥腳氣下注兩足必要二人揉搓摸撫晝夜不停更有遍身酸痛要人揉搓儼如和麪加之前煎湯調藥需人豈知晝夜燈燭炭火延醫拯救一人有病十人服侍刻無寧晷且恐病人生氣多方先意承志要一奉十猶以爲未足若非富貴之家焉得有如許之人服侍如許之錢措辦假使貧窮小戶

一夫一婦翁姑年老子女幼小之家患此不特服侍無人日食尙且不敷憑何措此靡費再加昏厥翁姑夫婿何以堪此澄所謂陰陽錯謬之異氣者未嘗不因人而召之也

所謂江甘儀三邑婦女脚氣乃陰陽錯謬之沴氣者凡患脚氣親戚婦女探視偶坐病人床沿卽可傳染而成脚氣之異所以爲異耳每見婆有脚氣其媳亦然母有脚氣其女亦然姊有脚氣其妹亦然妯有脚氣其姪亦然傳染者固多不傳染者亦復

有之

婦女脚氣有一種滴酒不可飲者有一種平時戒飲
惟舉發時非酒不能稍定其痛竟有飲燒酒者想
來酒能亂性昏神不過一醉神昏卽不知錐痛矣
凡患脚氣痛止忌人問其仍痛與否但遇有問之者
痛必復作

凡患脚氣最忌人談說他人脚氣但聞此語其病必
發此乃肝虛膽怯所致耳

凡患脚氣婦女清餓以痛止胸寬爲率痛止只宜吃

水煮飯湯漸漸吃盪飯不可先進粥湯糕湯度免
胸膈脹悶纏綿時日

凡患脚氣平時常忌食物

鮓魚 黃魚 魴鱖 蝦子 蝦油 螃蟹

蟬蝦 鯉魚 猪首 公雞 鶩 鴨蛋

鮮菌 香蕈 蘑菇 黃瓜 番瓜 麩筋

蒲菜 芫荽 茄子 香瓜 薺菜 藟菜

茨菰 蠶荳 黃荳 糟菜 腐乳 醬瓜

韭菜 茼蒿 鮮笋 火酒 雜酒 粘食

麪食 變蛋 蝦米 薑乾 黃鯧 豌豆頭
豌豆 芋子 燕角 御米 蘿蔔 石耳
木耳 鮮鯉 河歪 蛤蜊 滴醋 雞蛋
湯圓 羊肉 驢肉 芹菜 菠菜 團圓餅
西瓜

凡婦女脚氣舉發時忌聞香氣凡安息芸香蒼朮均
不可焚燒

凡婦女脚氣原不必限定七日始定但發於月經後
者爲日必多發於月經前者只要經水一通其邪

隨經自解其痛易定可見是肝脾遏鬱氣凝血滯

凡婦女脚氣發後宜靜養調理須戒房事一月

凡婦女有脚氣者將臨月事之前忌食生蘿蔔西瓜

桃子杏子李子生藕荸薺柿子柿餅等物

凡婦女脚氣嘔吐痰涎綠水不得食核桃叭嗒杏落

花生松子此四物有油皆嘔家所忌

凡婦女脚氣平時宜戒暴怒鬱悶必須自惜身命改

換性情無病時作有病想方能不發

雙鉤簾釣祛風舒筋脚氣定痛聖藥宜多用

新增江蘇揚州府江甘儀三邑婦女脚氣門主方

獨活湯 治婦女脚氣感風寒而發者遍身腰腿酸痛

獨活 防風 荆芥 赤芍

陳皮 半夏 厚朴 蘇葉

白水煎

或加鈞藤鈎

加味二陳湯 治婦女脚氣因飲食而發者胸膈脹悶惡心嘔吐痰涎綠水足膝酸痛

廣皮

半夏

白茯苓

厚朴

炒山查

香附

砂仁

澤瀉

蘇梗

獨活

白水煎

胸膈不寬加枳殼
發熱加防風荆芥赤芍
痛加鈎藤鈎

解鬱湯

治婦女脚氣因氣懣恚怒而發者兩脇作

脹腿脚酸痛

蘇葉

廣陳皮

半夏

當歸

鬱金

香附

白芍

遠志肉

白茯苓

青皮

醋炒

鈎藤鈎

白水煎 氣滴加煨木香

鎮風湯 治婦女脚氣肝風內鼓搐搦拘攣心中跳
動腿脚錐痛面青厥逆

橘紅 半夏 白茯神 鈎藤勾

明天麻 白芍 當歸 秦艽

棗仁 川續斷

白水煎

或加癩葡萄簾一錢
或加赤金爲引

清暑湯 治婦女脚氣因暑邪而發者

葛根 防風 赤芍 厚朴

赤茯苓

澤瀉

麥門冬

青蒿

秦艽

白水煎

健脾異功丸

治婦女脾胃失調飲食不運面目痿

黃肌膚消瘦每晚服之

人參

去蘆
一兩

於白朮

東壁土
炒三兩

白茯苓

飯上蒸
二兩

粉甘草

蜜炙
五錢

廣陳皮

飯上蒸
二兩

製半夏

姜汁炒
二兩

吳神麴

炒一兩
五錢

薏苡仁

炒二兩

陳枳殼

麩炒一兩
五錢

澤瀉

鹽水炒
壹兩

五穀蟲

新瓦焙
二兩

懷山藥

炒黃
二兩

穀

芽

炒香
一兩

兔絲餅

命火衰
微始用

雞肫皮

新瓦焙
二兩

右製畢磨爲細末水法疊丸如棗豆大每晚白

湯送下二錢

加味養榮丸

治婦女脚氣心虛血少怔忡心悸肝

脾不足調經養血非此不效

當歸身

酒洗焙
三兩

白茯神

人乳蒸
二兩

肥玉竹

焙二
兩

杭白芍

酒炒
二兩

酸棗仁

炒熟
二兩

丹參

酒炒
二兩

遠志肉

甘草湯
焙二兩

栢子仁

二兩

川續斷

酒炒
二兩

橘紅

飯上蒸
一兩

杜仲

鹽水炒
二兩

秦芫

酒炒一
兩五錢

女貞實

蜜拌蒸
二兩

鈎藤鈎

四兩全
石斛熬鬱

金

二兩

右製畢磨細末用金釵石斛一觔全鈎藤鈎四

兩熬膏和丸如豌豆大每早白湯送下三錢

醒脾和榮湯

治婦女脚氣疼痛漸定者宜服

橘紅

茯神

半麴

當歸

女貞子

石斛

丹參

白芍

棗仁

澤瀉

穀芽

薏苡仁

神麴

麥芽

香附

山藥

秦艽

川續斷

杜仲

栢子仁

蓮子肉

熟地

玉竹

人參

兔絲餅

加火微

益母草

加臨經

元胡索

加腹痛

桑枝

益智仁

加涎唾

紅花

加經少

鬱金

加氣鬱

金橘葉

白荳蔻

和胃不

砂仁

加胃寒

煨木香

加氣痛

佛手

半夏

加痰多

陳皮

枳殼

加大便

香櫟皮

車前子

加小便

北沙參

鈎藤鈎

麥冬

以上諸藥按症摘用神而明之貴乎當也惟
當忌之藥臚列於左司醫者萬勿輕投以免
虛虛之禍不可大意

防己

檳榔

木瓜

桂枝

穿山甲

杉木節

乾薑

川草薢

五加皮

海桐皮

海風藤

蘇子

乳香

沒藥

威靈仙

菴荑草

千年健

鑽地風

蒼朮

烏藥

黃栢

虎骨

菖蒲

引邪入心

虎骨膠

降香

沉香

川牛膝

懷牛膝

以上諸品均爲大禁凡悞作有餘風寒濕痺輕投上藥必致輕變重而重變亡縱不卽喪其生

必懼愈發愈凶之患不可不慎

脚氣奇方

鮮癩葡萄連穰子放陰陽瓦焙乾存性研末每服一錢白湯或木瓜酒調服立可止痛

又方

癩葡萄籐切片浸酒每飲一小杯其味雖苦久久

飲之可除此患

此籐陰乾每用一二錢能定小兒驚風大小男婦暑驚又能治孕婦

嘔吐不止兼治遍身筋痛

又方

翻白草洗淨浸酒每飲一杯立可止痛

又方

鮮鳳尾草朝北者洗淨煎湯服之止痛

又方

牛皮膠

切片全麩炒成珠

研細末每用酒調服一二錢止

痛

又方

穿山甲

二兩

白芷

三奈

甘遂

皂角刺

羌活

乳香

去油

沒

藥

去油

甘

松

殭

蠶

各一兩

共研細末摻脚帶上纏脚不發

椒艾囊

艾

葉

半觔

川

椒

一觔

草

烏

二兩研粗末

三味和勻用興紅布做褥如綿褥狀包足底春

夏時不用火烘秋冬宜微火烘使椒艾氣得行

於足自然寒濕風毒諸氣皆能消散立可止痛

平日仍要夜夜包好睡

又方

鷄蛋清隔湯畧燉溫掃上熱痛自止

又方

田中黃土晒燥研細代礬搽脚其根自除

洗脚氣

宣木瓜

秦

芫

各二兩

生

薑

連翹

各八兩

右熬湯待溫先薰後洗外用生薑汁調乾麴敷

又方

乾桑葉伍錢平時三五日煎湯洗脚除根

又方

白芥子研細末酒調敷